

**FUAFUAGA TATAU MO LE VA'AIA LELEI
O I'A MA FIGOTA
O LE AFIO'AGA O**



SAUNIA:

Pule mamalu a Alii ma Faipule ma tagatanu'u o le afio'aga o NEIAFU faatasi ma le lagolagosua a le Vaega o Faigafaiva a le Matagaluega o Faatoaga ma Faigafaiva.

FAASOLOGA

	Faalupega o NEIAFU	2
1.	FA'ATOMUAGA	3
2.	AUTU	3
3.	FA'AMATALAGA E UIGA I LE AFIO'AGA	4
4.	ITUAIGA FAIGAFIIVA TA'ATELE	6
5.	TULAFONO FA'A-LE-NUU E FESOOTAI MA LE SIOSIOMAGA O LE GATAIFALE O NEIAFU	7
6.	TAPENAGA O LENEI FUAFUAGA TATAU	7
	6.1 Feiloaiga Muamua ma le Ulua'i Fono ma le Afio'aga	7
	6.2 Faatalatalanoaga i Vaega	8
	6.3 Komiti Fauautua mo le Va'aia Lelei o I'a ma Figota (KFVL)	9
7.	PASIAINA O LE FUAFUAGA TATAU MO LE VAAIA LELEI O I'A MA FIGOTA	9
	7.1 Fuafuaga Tatau mo le Vaaia Lelei o I'a ma Figota ma le tauaofiaga o le Fono Mulimuli	9
	7.2 Filifilia o le Komiti mo le Pulea ma le Faamalosia o Fuafuaga	10
8.	FUAFUAGA FA'ATA'ATITIA	10
	8.1 Faamalosia Tulafono fa'a-le-nu'u e Fa'asaina ai Faigafaiiva-Le-Talafeagai e pei o Fanai'a, Ava Niu Kini ma Vaila'au Oona	10
	8.2 Ia Faasaina Faigafaiiva mai isi Afio'aga	11
	8.3 Ia Faasaina ona toe Fagotaina mai I'a ma Figota Laiti	12
	8.4 Ia Faasaina le Faaogaina o Upega Matanini'i ma Tili Saina	13
	8.5 Ia Faasaina le Lafoai o le Lapisi	13
	8.6 Ogasami Faasaina	14
	8.7 Ia Iloiloina Tulaga Talafeagai o le Faasaina o se Vaega o le Gataifale o le Afio'aga	15
	8.8 Ia Iloiloina le Tulaga Talafeagai o le Gataifale mo le Fa'aolaina ma le Fa'a-fa'ato'againa o Figota	16
9.	TALOSAGA	17
10.	MALILIEGA	17
11.	TOE ILOILOINA O LENEI FUAFUAGA TATAU	17
12.	UPU MULIMULI	18
13.	FAAMATALAGA E UIGA I LE AFIO'AGA	19
14.	ITUAIGA FAIGAFIIVA E FA'ATINOINA I ASO UMA	20
15.	I'A MA FIGOTA	21
16.	TULAFONO A LE AFIO'AGA I LE PUIPUIGA O LE GATAIFALE	22
17.	FA'AMAUMAUGA I TAIMI O FA'ATALATALANOAGA	23
18.	SUI O LE AFIO'AGA SA AUAI I FA'ATALATALANOAGA	24

Faalupega o NEIAFU

Afio Tapa'au ma Samoeleoi,
Oulua igoa o Taatiti ma Tua'iaufa'i
ma le mamalu i le Alataua...

1.FA'ATOMUAGA

O faigafaiva i Samoa e taua tele aua o se tasi lea o auala e maua ai le fofoga taumafa aemaise lava i alalafaga ma afio'aga i tua. I le tele o afio'aga, latou te le o fa'atāuaina le va'aia lelei o le tamaoaiga ma le si'osi'omaga o le gataifale. O le aumaia ma le fa'aaogaina o ituaiga faigafaiva fa'a-onapo nei e i ai mea manava, upega ma tili mataninii, ma vaila'au 'oona e fa'amata faigofie ai ma tele i'a maua ae o lo o fa'atama'ia ai le si'osi'omaga o le gataifale ma ona tamaoaiga. O le fa'atinoina foi o atina'e i le gataifale ua fa'aleagaina ai le tele o nofoaga ma le miliona o meaola o loo nonofo ma tautuuufua ai. Ina ia fa'asaina mai lea tulaga, ua fa'atuina ai e le Vaega o Faigafaiva o le Matagaluega o Faatoaga ma Faigafaiva se Polokalame mo le Pulega o le Si'osi'omaga o le Gataifale, ma le Vaa'ia lelei o i'a ma figota, ina ia fesoasoani i le fausiaina o se Pulega faa-faigafaiva i alalafaga ma afio'aga e fa'asao, pulea ma fuafua tatau le faaogaina o le tamaoaiga o le gataifale o Samoa.



O se va'aiga matagofie leni i le gataifale o le afio'aga o NEIAFU

O leni fuafuaga o le Pulega o le Si'osi'omaga o le Gataifale ma le Va'aia lelei o i'a ma figota sa saunia e Alii ma Faipule ma tagatanu'u o le afio'aga o NEIAFU faatasi ma le lagolagosua a le Vaega o Faigafaiva o le Matagaluega o Fa'atoaga ma Faigafaiva.

2.AUTU

O le autu sa fa'atalatalanoaina ma malilie autasi ai vaega e lua o le Afio'aga o NEIAFU i taimi o faatalatalanoaga o le :

“Puipuiga o le Siosiomaga o le Gataifale ma le toe faatupulaia o i'a ma figota mo tupulaga o le lumanai”

3.FAAMATALAGA E UIGA I LE AFIO’AGA

O le Afio’aga o NEIAFU e i le itu i Saute i Sisifo o le motu tele o Salafai. O Neiafu e tolu ona pitonuu e aofia ai Talie, Matagilelei faapea Neiafu Tai. O le faitau aofai (population) o NEIAFU e aofia ai Matai, Faletua, Tausi, Aualuma, Aumaga aemaise o alo ma fanau e pea ma le 1,073 tagatanuu. O lenei numera e le o aofia ai i latou ua faimalaga atu i atunuu i fafo, e iai Niu Sila, Ausetalia ma isi atunuu. O le to’atele o nisi o le afioaga o loo aumau i atunuu mamao.

E tasi lava le Faiganuu i pitonuu uma e tolu ma e mamalu tele pulega a Alii ma Faipule o lenei alalafaga.O le aumaga e lava saunia i taimi uma aua le tautuaina o matai, o tina latou te avatuina fautuaga i mataupu tau i lotoifale o le Afio’aga.

TAPUAIGA MA EKALESIA

E lua tapuaiga i totonu o le afioaga o NEIAFU ma o tapuaiga nei o le Ekalesia Metotisi faapea le Ekalesia Faalapotopotoga o le Au Paia o Aso e Gata Ai. E tolu ekalesia o le Metotisi ae tasi le Ekalesia Mamona.



AOGA TULAGA LUA

E tasi le aoga Tulaga lua i totonu o le afoaga, e agai uma i ai alo ma fanau.



SIOSIOMAGA MA LE GATAIFALE

O NEIAFU e iai lona aau e mai lava i le itu i sasa'e seia paia le itu i sisifo i le umi e pea ma le 400 mita ma lona mamao mai le matafaga e pea ma le 200 mita.

O le vaega aupito sili ona loloto o le aloalo i le;

- pe o le tai = 6 futu
- sua o le tai = 12 futu

O le vaega aupito sili ona papa'u o le aloalo i le;

- pe o le tai = 2 futu
- sua o le tai = 4 futu



4. ITUAIGA FAIGAFAlVA TA'ATELE

E tele ituaiga faigafaiVa e mafai ona faatinoiVa i le aloalo o le afio'aga o NEAIFU. O nisi o nei ituaiga faigafaiVa e i ai matatao, tosotoso, ma le faaaogaina o upega (e tele ina faatinoiVa e alii) mo le fofoga taumafa a le aiga pe faatau foi. O le aoina ma le eliina o figota i luga o le aau o le galuega patino lava lea i tina ma le fanau mo taumafa a le aiga. O le faatinoiVa o faigafaiVa le talafeagai e i ai fanaia ma 'ava niukini ua matua faasaina lava i lalo o le pulega mamalu a Alii ma Faipule.

O le tele o i'a sa maua i aso ua mavae ua faigata ona maua i aso nei. O i'a o le aloalo e i ai lo, poge/alogo, fuafua/anae ma mataleele sa tele na faigofie ona maua i le 30 tausaga talu ai. E oo foi i figota e i ai le faisua ma sea/loli//fugafuga/mama'o ua tele ni itula e faaaluina i fagotaga faatoa maua se meaai mo le aiga faatusatusa i le 30 tausaga ua mavae.

ITUAIGA FAIGAFAlVA E FAATINOI VA I ASO UMA

O ituaiga faigafaiVa ma ē o loo faatinoiVa i totonu o le gataifale faapea auala o loo faaaogaina ai nei tamaoiga i le afioaga.

Ituaiga FaigafaiVa	Taimi faaalu	Alii	Tamaitai	Tamaiti	Faaogaina	
					Aiga	Faatau
Maulu/Matatao	6 itula	✓			✓	
Ofe	4 itula	✓			✓	
Upega	3 itula	✓			✓	
Aoina o figota	4 itula		✓		✓	

ESEESEGA I TAIMI FAAALU MO FAI VA I ASO NEI MA ASO UA MAVAE

O le laulua i lalo o loo faailoa mai ai le eseese sa tele i le taimi faaalu i faiva i aso ua mavae pe a faatusa i aso nei. O nei faamatalaga taua sa mafai ona maua mai i sui o le alalafaga sa auai i taimi o faatalatalanoaga

Itu aiga I'a ma Figota	Ituaiga FaigafaiVa	Taimi faaalu i Fagotaga.	
		Taimi nei	30 tausaga ua tuanai
<i>I'a maua</i>			
Gatala	Matatao	3 - 4 itula	1 itula
Tuu'u	Fagota matatao	3 - 4 itula	1 itula
Pone	Fagota matatao	3 - 5 itula	1 itula
Filoa	Afaafaloloa / matatao	3 - 4 itula	1 itula
Lalafi	Fagota matatao	3 - 4 itula	1 itula
Fuga	Matatao	4 - 5 itula	1 itula
<i>Figota maua</i>			
Tuitui	Aoina	4 itula	2 itula
Fugafuga	Aoina	2 itula	1 itula
Pipi Ku	Eliina	3 itula	1 itula

5. TULAFONO FAA-LE-NUU E FESOOTAI MA LE SIOSIOMAGA O LE GATAIFALE O NEIAFU

O NEIAFU e i ai ana tulafono e faasaina ai faigafaiva le talafeagai ona faatinoina i ō latou gataifale. O tulafono o le gataifale i aso ua mavae o lo'o fa'auau ona fa'aogaina pea i aso nei e le afioaga. O lenei tulafono taua e tapu ai Fiagafaiva-Le-Talafagai i gataifale o NEIAFU. O faigafaiva-le-talafeagai e aofia ai;

- ⊕ fanai'a (dynamite)
- ⊕ ava-niu-kini (derris roots)
- ⊕ vailaau oona (commercial poisons)
- ⊕ saeuga (coral smashing)
- ⊕ tu'iga ma fa'amo'a (coral smashing)

O lenei tulafono sa faasalalauina lea i le alaleo o le **SBC RADIO 1** i aso ia ua mavae a'o faaigoaina o le **2AP**. O le auai la o NEIAFU i lenei polokalame o le a matuā fa'amalosia ai tulafono uma o le gataifale e aofia ai faigafaiva-le-talafeagai e pei o ava niu kini ma vaila'au o'ona.

6. TAPENAGA O LENEI FUAFUAGA TATAU (TUSI TAIALA)

O lenei tapenaga sa saunia lava e le pule mamalu a Alii ma Faipule, ma tagatanuu o le afio'aga o NEIAFU faatasi ai ma ni fautuaga ma le lagolagosua a le Vaega o Faigafaiva a le Matagaluega o Faatoaga ma Faigafaiva. O se oototoga lenei i le tapenaga o lenei Fuafuaga ina ua maea ni fonotaga sa faia ua taua i lalo.

6.1. Feiloaiga muamua ma le uluai fono ma le afio'aga.

I le amataga mai o le polokalame, sa faapea ona sailia e le Ofisa se finagalo o le Pule Mamalu a Alii ma Faipule e ala atu i le fetalaiga ia Aliimalemanu e faatatau i le polokalame mo le puipuia o le gataifale. O le aso Faraile Me 25, 2007 sa faia ai se feiloaiga muamua (fono) a le ofisa ma le afio'aga e faamalamalama ai le polokalame mo le taliaina e le afio'aga. O le maea o lenei feiloaiga muamua na taliaina lelei ai e le afioaga le polokalame, ma filifili ai le Aso Lulu Iuni 13, 2007 mo faatalatalanoaga ma vaega eese o le afioaga e aofia ai Alii ma Faipule, Komiti a Tina ma Tamaitai ma le Aumaga.



Fono muamua a le afio'aga o NEIAFU, Me 25, 2007

6.2. Faatalatalanoaga i Vaega

O le taua o lenei faatalatalanoaga ina ia vaevaeina le afio'aga i vaega e iai le pule mamalu a Alii ma Faipule, Komiti a Tina ma Tamaitai ma Aumaga. Peitai sa finagalo alii ma faipule e tuufaatasia i latou ma le aumaga e faasoa ma soalaupule o latou finagalo. E tasi la le vaega sa faatalatalanoaina e sui o le Vaega o Faigafaiva. O le autu tonu o nei faatalatalanoaga ina ia mafai e le afioaga ona faailoa mai faafitauli o lo o alia'e mai i le siosiomaga o lo latou gataifale, ma sailia ai ni aafiaga ma ni mafuaaga o nei faafitauli, aemaise o ni fofu ma faatinoga ma i latou e faatinoina nei fofu ua faailoaina. O lenei faatalatalanoaga sa faia i le Aso Lulu Iuni 13, 2007.



Fatalatalanoaga o Matai ma Aumaga o le NEIAFU, Iuni 13, 2007.

MATAI NA AUAI I FAATALATALANOAGA

Aliimalemanu Faleupolu.	Alomau Tautiaga.
Mamea Siaosi	Aunei Fineaso.
Tuafiaufai Latu.	Aliimalemanu Asuelu.
Tatiti Poto.	Aloi Iakimo.
Pei Sila	Moa Tevita.
Aunei Fune.	Masaga Mose.
Lafaitale Elia.	Togo Senetofu.
Aliimalemanu Satue.	Tatiti Senetofu.
Lafaitale Masani.	Pei Faamatala.
Togo Isala.	Tia Iupeli.
Soliga Filiga. (Pulenuu)	Moti Sinei.
Aunei Samoa.	Taupi Apineru.
Aliimalemanu Mefi.	Togo Tolo.
Ulumu Sasani.	Salua Nu'u.
Masaga Faiese.	Pei Puaolaga.
Tatiti Manoa	Maeolopa Peti

AUMAGA NA AUAI I FAATALATALANOAGA

Valoaga Siasoi.	Fetu Siaki	Tau Mamea
Afiofo Siasoi	Metotisi Fatia	Asu Faamatala
Seloti Noti	Faaga Fatia.	Faalii Luu
Timo Faleupolu	Tui Ene.	Iosefa Lofia
Sile Taoafua	Mua Latu	Uega Sefa
Tulene Taauso	Manuti Taalolo	Napoleone
Tavita Nuu	Faafetai Safiuvoa	Satui Satui
Too Fineaso	Upolu Afaese	Elia Siasoi
Aperu Tomiti	Falemai Taulai	Maitua Tafola Eli
Ruteru Ruteru	Setulia None	Taufiaga Lafaitale

6.3. Komiti Faufautua mo le Vaaia Lelei o I'a ma Figota (KFVL)

O le matafaioi a lenei Komiti o le tuufaatasia lea o faamaumauga ma faamatalaga mai vaega taitasi ma sa mafai ona latou tapenaina se ata faataitai o le Pulea Tatau le Vaaia Lelei o le Siosiomaga ma le Tamaoaiga o le Gataifale.

MATAI

Soliga Filiga (Pulenuu)

Taupi Itai

Alomau Tafuā

Moafagatau Meaalofa

Luagia Sae

Tatiti Poto

AUMAGA

Manuti Tafola

Sione Lafaitale

Faalii Lafaitale

Taufiaga Lafaitale

Timo Aliimalemanu

7. PASIAINA O LE FUAFUAGA TATAU MO LE VAAIA LELEI O I'A MA FIGOTA (TUSI TAIALA).

7.1. Fuafuaga Tatau mo le Vaaia Lelei o I'a ma Figota ma le tauaofiaga o le Fono Mulimuli.

O le faagasologa atoa o lenei polokalame ua tamauina lea i totonu o le Tusi Taiala poo le "Fuafuaga Tatau mo le Vaaia Lelei o I'a ma Figota". O lenei polokalame o se maliliega i le va o le afioaga ma le malo.

I totonu o le Tusi Taiala poo le "Fuafuaga Tatau mo le Vaaia Lelei o I'a ma Figota"ua tamauina ai fuafuaga faataatitia a le afioaga e aofia ai ma fuafuaga faataatitia e lagolagosua mai ai le Vaega o Faigafaiva.

O lenei Tusi Taiala e tuuina aloaia e sui o le **KFVL** ma sui o le pulega a le Vaega o Faigafaiva i lenei fono mulimuli taua. O le pasiaina o lenei Fuafuaga (Taiala) e mafai ai e le afioaga ma le Vaega o Faigafaiva ona faatinoina galuega ma fuafuaga ua faataatitia. O le fono mulimuli lea e filifilia ai se '**Komiti o le Faasao**' e taitaia le faagaioiga o fuafuaga ua uma ona faataatitia. O lenei Komiti e ese mai i le KFVL, ae peitai i le tele o

afioaga e avea lava suia-komiti o le **KFVL** ma **Komiti o le Faasao** o ē o le a ta'imua i le fatinoina o galuega ua fuafuaina.

7.2. Filifilia o le Komiti o le Faasao mo le Pulea ma le Faamalosa o Fuafuaga

O lenei Komiti e filifilia e le fono, latou te mata'ituina fuafuaga faataatitia a le afioaga. O le maea o le pasiaina o lenei fuafuaga tatau (Tusi Taiala) ma ua lelei atoatoa o le a fesooteai ai le Vaega o Faigafaiva ma le Komiti o le Faasao i tulaga uma lava e manaomia ai le fesoasoani e pei ona autasi ma tamauina i le fuafuaga tatau. O suafa o le Komiti o le faailoaina i se taimi mulimuli pe a faamautuina ma saunia ai i se lomiga fou o le Tusi Taiala i se taimi o muamua.

8. FUAFUAGA FAATAATITIA

O fuafuaga faataatitia o ni laasaga ua faamoemoe e faaono foia ai faafitauli ua faaalua mai e vaega eseese o le Afio'aga. E lua (2) ituaiga fuafuaga faataatitia ua fuafuaina ma o le fuafuaga ua aupito sili ona taua o fuafuaga faataatitia lea ua faaagaga mo alalafaga poo afio'aga. O le isi vaega o fuafuaga faataatitia ua faamoemoe lea mo le Vaega o Faigafaiva ma o lenei fuafuaga o le a tuuina atu ai fautuaga ma fesoasoani aua le tapenaina o le faamoemoe e faatino ai fuafuaga faataatitia mo le Vaega o Faigafaiva e ao ona faamaonia e le Pule Sili Lagolago a le Vaega o Faigafaiva a le Matagaluega o Faatoaga ma Faigafaiva.

I taimi o faatalatalanoaga i vaega taitasi e tele ni mafuaaga sa fa'ailoa mai ae auga lava i le faafitauli ogaoga o le faaititia lea o i'a ma figota i le aloalo ma le aau o le Afio'aga o NEIAFU. O mafuaaga ma o latou aafiaga i le siosiomaga o le gataifale sa faapea ona iloiloaina ma sailia ai ma le tali o le faafitauli ma fofu e foi'a ai. E le gata i lea sa faailoa mai ai foi ma i latou e faatinoina nei galuega.

8.1

FAAMALOSI TULAFONO FAALE NUU E FAASAINA AI FAIGAFAlVA LE TALAFEAGAI E PEI O FANAIA'AVA NIU KINI MA VAILAAU OONA

OTOOTOGA

O nei faigafaiva le talafeagai ua mautinoa lo latou tulaga ogaoga i le faatamaiaina o le siosiomaga o le gataifale e pei o i'a laiti aemaise o nofoaga taua mo meaola o le sami e iai amu. O le faaleagaina o le gataifale mai nei metotia faafaigafaiva e umi ma tele se taimi e toe faafoi ai i le lelei sa iai.

FUAFUAGA FAATAATITIA A LE AFIO'AGA

Talu ai ona o le tulaga pagatia ua iai le gataifale o lenei afioaga o NEIAFU o lea ua a'e ai se finagalo autasi i le Komiti ua filifilia ina ia matua faamalosa loa tulafono a le afioaga e faasaina ai faigafaiva le talafeagai e pei o fanaia, ava niu kini ma vailaaau oona. O le

puiipuiga ma le faamamaluina o nei tulafono o le a i aao lava o le pule mamalu a Alii ma Faipule faatasi ai ma le lagolagosua a tagata nuu o le afioaga.

FAUTUAGA

Ia toe faamalosi ma faamamaluina tulafono ua taua i lalo a le afioaga mo le faasaina o faigafaiva le talafeagai.

TULAFONO

Ua matuā fa'asāina faigafaiva le talafeagai i totonu o lenei afio'aga e aofia ai ava niu kini, vailaau oona ma fanaia ma isi.

FAASALAGA

So'o se tasi o le afioaga poo tagata mai isi afioaga e solia lenei tulafono o le a faasalaina i le 10 aumatua poo le \$500.00.

FUAFUAGA FAATAATITIA A LE VAEGA O FAIGAFAlVA

O le a fesoasoani i le suesueina ma le moliaina o lē ua le utagia lenei tulafono i lalo o le 'Tulafono Autu Tau Faigafaiva' (Fisheries Act) a le Malo o Samoa.

O le a fesoasoani le Vaega o Faigafaiva mo le faatinoina o fuafuaga faataatitia a le afioaga e ala atu i lana polokalame fesoasoani i aoaoga tau faigafaiva.

8.2

IA FAASAINA FAIGAFAlVA MAI ISI AFIO'AGA

OTOOTOGA

O fagotaga mai isi afioaga e faaogaina ai faigafaiva le talafeagai, e iai ava niu kini, fanaia, vailaau oona, fa'amo'a ma tu'iga, ua mautinoa le matua faaleagaina ai o le gataifale. E le gata i lea, o le faaopoopoina lea o le numera o tautai latou te fagotaina gataifale o le afioaga ma o'o ai i se tulaga e faaitiitia ai i'a ma figota maua.

FUAFUAGA FAATAATITIA A LE AFIO'AGA

Ua faaalua e le komiti (KFVL) le tataua ona faia o se tulafono e faasa ai faigafaiva-le-talafeagai. O le autu moni o lenei tulafono ona o nisi o tagata mai isi afio'aga o loo latou faatinoina faigafaiva-le-talafeagai i gataifale ma faatamaiaina ai.

TULAFONO:

Ua matua faasaina lava tagata mai i isi afio'aga ona toe fagotaina gataifale o NEIAFU e faaogaina ai faigafaiva-le-talafeagai ma isi lava ituaiga faigafaiva.

FAASALAGA:

So'o se tagata ese (mai i seisi afio'aga) e solia lenei tulafono o le a tuuina atu i le tulafono mo se faaiuga.

FUAFUAGA FAATAATITIA A LE VAEGA O FAIGAFAIVA

O le a fesoasoani le Vaega o Faigafaiva mo le tapenaina o lenei tulafono a le afioaga i lalo o ana '**Tulafono Laiti**' (**By-Laws**) ina ia amanaiaina ai e le faamasinoga. A pasia nei tulafono laiti a le afioaga o le a mafai loa ona molia ai ē e le usitaia lenei tulafono i le faamasinoga.

Ae peitai afai ae molimauina ni faigafaiva-le-talafeagai o faatinoina e tagata ese, o le a mafai ona moliaina i lalo o le '**Tulafono Autu Tau Faigafaiva**' (Fisheries Act) a le Malo o Samoa. O le Tulafono Autu Tau Faigafaiva e faasaina ai faigafaiva-le-talafeagai i soo se vaega o le gataifale o Samoa atoa.

O le a fesoasoani le Vaega o Faigafaiva e faalauiloa faamatalaga e faamalamalama atili ai lenei mataupu.

8.3

IA FAASAINA ONA TOE FAGOTAINA MAI I'A MA FIGOTA LAITI

OTOOTOGA

O le fuafua tatau o le fagotaina mai o i'a ma figota o se itu lelei tele ma talafeagai lea mo le faasaina ma le toe faatupulaia o meaola o le gataifale. O lenei fuafuaga o le a mafai ona maua ai le avanoa o i'a ma figota laiti e tutupu ma fanafanau ai, i le uluai taimi ao lei aveeseina pe fagotaina mai foi. Afai e fagotaina mai se i'a po'o se figota ae lei o'o i le lapopo'a (matua) e fanafanau ai, o lona uiga ua leai sona sao mo le isi augatupulaga e soso'o ai. Afai la o le a faaaauai ai pea lea tulaga, o lona uiga, o le a saga faaitiitia pea le faitauaofai o i'a ma figota ma faasolo lava ina mou malie ese atu.

FUAFUAGA FAATAATITIA A LE AFIO'AGA

Ua faaalua e le afio'aga lo latou lagolagoina o le '**Tulafono Faatonuonu mo le Laiti Faatapulaaina o I'a ma Figota**' (**Size Regulation**) e tatau ona fagotaina. Na taua foi o le faamalosia o lenei tulafono o le a iai pea lea i le pule mamalu a Alii ma Faipule faapea le Afioaga i le Pulenuu ma le Komiti.

TULAFONO

Ua matua fa'asaina le fagotaina o i'a ma figota laiti e pei ona fa'atapula'aina mai i totonu o le Tulafono Fa'atonuonu mo le Laiti Fa'atapula'aina o I'a ma Figota e fa'atagaina ona fagotaina.

FAASALAGA

O so'o se tasi o le afio'aga po seisi mai isi afio'aga e solia lenei tulafono o le a ripotia sa'o i le Vaega o Faigafaiva mo le moliaina.

FUAFUAGA A LE OFISA O FAIGAFAlVA

O le a fesoasoani le Vaega o Faigafaiva e faailauiloa faamatalaga e faamalamalama atili ai lenei tulafono.

8.4**IA FAASAINA LE FAAAOGAINA O UPEGA MATANINII MA TILI SAINA****OTOOTOGA**

Ua maitauima le tele o tili saina o loo faapea ona faaoga e le afioaga mo fagotaga. Sa faaalua foi e le afioaga o le Matagaluega lava o Faatoaga ma Faigafaiva o loo auina mai upega i totonu o le atunuu. Ae peitai na faaalua e le Vaega o Faigafaiva o le e lē mafai ona taofia lea vaega ona o nisi o atinae e faaaogaina ai nei ituaiga o upega.

FUAFUAGA FAATAATITIA A LE AFIO'AGA

Ua tasi nei le afioaga o le a faaogaina le tulafono a le Malo e aiaia ai le lapopoa o mataupega ma tili i totonu o le afioaga. O lenei mataupu e aafia i lalo o le Tulafono Faatonutonu mo le Laiti Faatapulaaina o I'a ma Figota e talafeagai lona fagotaina.

TULAFONO

Ua matuā fa'asaina faigafaiva e faaaogaina ai upega mataninii ma tili saina i gataifale o NEIAFU.

FAASALAGA

O le a iai pea i le faamalumaluga a Alii ma Faipule le faamallosia o lenei tulafono.

FUAFUAGA FAATAATITIA A LE OFISA O FAIGAFAlVA.

O le a fesoasoani le Vaega o Faigafaiva i le faailauiloa o faamatalaga e faamalamalama atili ai lenei mataupu. E fesoasoani fo'i le Vaega o Faigafaiva i le moliaina o se tasi o loo faatinoina faigafaiva i nei ituaiga o mea fagota i le faamasinoga.

8.5**IA FAASAINA LE LAFOAI O LAPISI****OTOOTOGA**

O le lafoai o otaota i le sami ma matafaga o le a avea ma nofoaga e tautuufua ai namu ma pipisi ai faamai e aafia ai le soifua maloloina. E le gata i lea ae o nisi o lapisi e pei o atigi apa ma atigi fanu, e faamanualia ai aao o le au faifaiva, aemaise o le aafia ai o nofoaga o loo tautuufua ai meaola o le gataifale.

O le foia o nei faafitauli, o le eliina lea o se lua e lafoai uma iai otaota a le afioaga atoa. Talu ai e mafai ona tafe ma ulu atu le oona o otaota, lapisi ma vailaau e lafoaina i le lua, o lea e fautuaina ai le eliina o nei lua ia taumamao ese mai puna-vai ma le sami.

FUAFUAGA FAATAATITIA A LE AFIOAGA

Ua lagolagoina e le afioaga leni fuafuaga ma o le a iai pea i le Faamalumaluga a Alii ma Faipule aemaise ai o le Komiti Tumama a Tina

TULAFONO

Ua matuā fa'asaina le lafoai o lapisi ma isi otaota oona i gataifale o NEIAFU.

FAASALAGA:

O le a iai pea i le faamalumaluga a Alii ma Faipule le faamalosia o leni tulafono.

FUAFUAGA FAATAATITIA A LE VAEGA O FAIGAFAIVA

O le a fesoasoani le Vaega o Faigafaiva i le faalauiloa o faamatalaga e faamalamalama atili ai leni mataupu.

8.6

OGASAMI FAASAOINA

OTOOTOGA

Sa faaalua e le Afio'aga o le vave faatupulaia o le tamaoaiga o le avea lea o se vaega o le gataifale ma Ogasami Faasao, e vave ai ona toe faatupulaia le faitauaofai o i'a ma figota. O leni vaega faasao o le a faasaoina ai amu a'au faapea foi i'a ma figota ina ia mafai ona maua e nei meaola le avanoa e tautuufua ma fanafanau ai. O le autu taua lava o le a avea leni faasao ma punaaga o i'a ma figota e mafai ai ona fa'aleleia nisi o vaega o le gataifale ua afāina. O le a fanafanau ma tautu'ufua i'a ma figota o lo o aumau i le vaega fa'asaoina ma tafea atu o latou fua fanau ma fa'atupuina ai, nisi meaola fou i nofoaga ua le maua ai ni i'a ma figota. O le a le pine ona manuia ai i tatou ae fa'apea foi tupulaga o le lumana'i i leni taumafaiga.

FUAFUAGA FAATAATITIA A LE AFIO'AGA

O le afio'aga o le a latou filifilia se vaega o le gataifale e fa'atinoina ai le vaega fa'asaoina. O le a latou fausiaina foi tulafono e fa'asaina ai soo se ituaiga faigafaiva (e aofia ai le lama moli-uila) ona fa'atinoina i lea vaega. O tagatanuu o le afioaga latou te mata'ituina ma faamalosia tulafono a le afio'aga.

TULAFONO

Ua matuā fa'asaina le ave eseina o mea totino i totonu o le Ogasami Faasao poo ni faigafaiva i totonu o le Ogasami Faasaoina o NEIAFU.

FAASALAGA:

O so'o se tasi o le afio'aga e solia leni tulafono o le a fa'asalaina i le 10 aumatua po'o le \$500.00 i le aumatua e tasi

FUAFUAGA FAATAATITIA A LE VAEGA O FAIGAFAIVA:

O le a suesue ma iloilo e le Vaega o Faigafaiva se vaega talafeagai o le gataifale e avea ma ogasami faasaoina. O le a saunia foi se ripoti ma tuuina aloaia i le Pule mamalu a Alii

ma Faipule. O le a faia foi ni suesuega faavaitaimi e iloa ai le alualu i luma o le taulaumanuia o lenei atinae. O le a faatinoina foi ni aoaoga mo le mamalu o le afioaga i auala ma metotia faa-ona-po-nei mo le vaaia ma le mataituina o suiga i le faasao.

O le a fesoasoani le ofisa i le tapenaina o lenei tulafono ma isi i totonu o lenei Tusi Taiala mo le avea ma Tulafono Laiti o le afioaga.

8.7

IA ILOILOINA TULAGA TALAFEAGAI O LE FAASAOINA O SE VAEGA O LE GATAIFALE OLE AFIO'AGA

OTOOTOGA

O se vaega o le gataifale ua faasaoina e tatau ona lē toe aafia i ni faigafaiva. O le avea o se vaega o le gataifale ma nofoaga faasao, e mafai ona malu puipuia ai le siosiomaga o le gataifale ma ona tamaoaiga i figota ma i'a aemaise o 'amu. O lenei nofoaga faasao o le a faasaoina ai amu, 'aau, figota faapea foi ma i'a ina ia mafai ona maua e nei meaola le avanoa e tautuufua ma fanafanau ai. O le autu taua lava, o le a avea lenei faasao ma punaaga o i'a ma figota e mafai ai ona toe faaleleia nisi vaega o le gataifale ua afaina. E le gata i lea o le a fanafanau ma tautuufua i'a ma figota o loo aumau i le nofoaga faasaoina ma tafea atu o latou fua fanau ma faatupuina ai nisi meaola fou i nofoaga ua le maua ai nei i'a ma figota. O le a le pine ona manuia ai i tatou ae faapea foi tupulaga o le lumanai.

FUAFUAGA FAATATITIA A LE AFIO'AGA

O le afioaga e ao ona:

- Galulue faatasi ma lagolagosua i le aufaigaluega a le Vaega o Faigafaiva, i le faatinoina o le iloiloga o le tulaga talafeagai o se vaega o lona gataifale, e avea ma nofoaga faasaoina.
- Talanoaina ma auiliiliina le lipoti ma ia faia se faaiuga i le faavaeina o le nofoaga faasaoina.
- Saunia faailoilo e pei o laau, pole poo nisi lava faiga talafeagai mo le faailogaina o le vaega ua faamautuina ma pasiaina.

Afai ae finagalo le fono i se tasi, poo fuafuaga uma ua taua:

- Ia faatinoina loa fuafuaga mo le faavaeina o le nofoaga faasao e pei o le mataituina, tausia ma le vaaia lelei o se vaega ua atofaina.

FUAFUAGA FAATAATITIA A LE VAEGA O FAIGAFAlVA

O le Vaega o Faigafaiva o le a:

- Faatinoina le suesuega o se vaega o le gataifale e avea ma nofoaga faasaoina.
- Saunia le lipoti mo le tuuina aloaia atu i le Komiti o le Faasao (e Vaaia lelei o i'a ma figota) ma le Fono Mamalu a Alii ma Faipule a le afioaga.

Afai ae finagalo le fonu i se tasi, poo fuafuaga uma ua taua

- Pe a tusa ai, o le a tuuina atu ni fautuaga ma ni faamatalaga mo le tausiga, pulea ma le vaai o le nofoaga faasao o le gataifale o le afio'aga.

8.8

IA ILOILOINA TULAGA TALAFEAGAI O LE GATAIFALE MO LE FAAOLAINA MA LE FAAFAATOAGAINA O FIGOTA

OTOOTOGA

O le faafaatoagaina o figota ua faatatau lea i le talafeagai o vaega moomia mo le faaolaina o i'a ma figota. O nisi nei o atinae mo le faatupuina o figota ma i'a aua le fofoga taumafa mo le afio'aga. O nei auala faa-atinae e moomia ai lava le galulue filiga ma le faamaoni o le afioaga ina ia ausia se taunuuga lelei.

FAAMATALAGA FAAOPO'OPO - TUFAINA O FIGOTA MA I'A

O le tufaina atu ua faatatau lea i le aumaia o ni figota / i'a mai se isi atunuu e faaolaina i se ogasami / vai ua talafeagai lelei. O le tufaina o le figota o le aliao i le tele o atunuu o le Pasefika ua mautinoa ai le tele o ni faamanuiaga na mafai ona seleseleina e nei atunuu.

I Fiti ua tele ina faaogaina ma toomaga iai tagata i le aano o le aliao e avea ma mea taumafa. O lona atigi na mafai ona faatauina atu e gaosi ai faamau o ofu i fale gaosi oloa. I le Atu Kuki e tusa ma le 280 aliao na tufaina atu iai ma na mafai ona maua mai ai se aofaiga e tusa ma le 200 tone o atigi aliao i lea tausaga ma faatauina i fale gaosi faamau.

O loo iai taumafaiga a le Vaega o Faigafaiva i le faafofoaina o faisua, tuitui (tapumiti) ma aliao, mo le faa-faatoagaina i gataifale o Samoa. O nei figota ua mautinoa lo latou faaitiitia talu ai o le soona fagotaina ae e le gata i lea o faigafaiva le talafeagai ma mala faa-le-natura ua faatamaia ai o latou nofoaga. O le faamoemoe la o lenei taumafaiga o le faa-faatoagaina lea o nei figota i vaega o le gataifale mo le lumanai.

FUAFUAGA FAATAATITIA A LE AFIO'AGA

E ao i le afio'aga ona:

- Galulue faatasi ma le Vaega o Faigafaiva i le faatinoga o le iloiloga pe talafeagai ma lelei le gataifale i le tufaina atu ma le faafaatoagaina o figota/i'a
- Auiliiliina o le lipoti i suesuega o le talafeagai o le gataifale ma le vai, ma ia faia se faaiuga i le faatinoina o nei atinae i totonu o NEIAFU
- Galulue faatasi mo le puipua o nei atinae ma le va'aia o tagata o lo'o latou faatamaia ma solia tulafono e faatatau i nei atina'e.

FUAFUAGA FAATAATITIA A LE OFISA O FAIGAFIIVA

O le a faatinoina ni su'esu'ega i le gataifale o le afio'aga ina ia faamaonia le talafeagai mo le faaolaina ai o figota / i'a. O le a mafai ona tuuina atu ni figota / i'a pe afai o le a faamaonia le talafeagai o nei nofoaga mo ia atina'e.

PE A FAATAUNUINA LENEI FUAFUAGA, O LE A

- Fesoasoani mai le Ofisa e ala lea i le va'aia ma le mata'ituina o le sologa lelei o le tuputupu a'e o figota / i'a ua atina'eina.
- Saunia ni aoaoga mo le faamalamalamaina o olaga faa-le-natura ma le tausiga o nei figota / i'a

9. TALOSAGA

O nei talosaga sa mafai ona tuuina mai e sui ole afio'aga sa auai i fonotaga ma le Vaega o Faigafaiva i taimi o faatalatalanoaga i vaega. O talosaga uma foi la ua tuuina mai sa faamautuina e le Komiti (KFVL) i le latou fonotaga ma le Ofisa. Pe a talafeagai ai, o nei talosaga o le a mafai ona iloiloaina e le (KFVL) i le latou fonotaga ma le Vaega o Faigafaiva mo le faataunuina pe a mae'a le taliaina o lenei tusi e le pule mamalu a Alii ma Faipule i le fono mulimuli. O talosaga uma sa tuuina mai o loo faailoa atu i lalo;

- (a). Atinae Faisua
- (e). Ogasami faasao mo i'a ma figota.
- (i). Aliao o loo faafailele i isi afioaga (Papa Palauli)

10. MALILIEGA

Ua i ai le maliliega o le a galulue so'oso'o tauau uma vaega i le puipuiga o le siosiomaga o le gataifale mo le manuia o tagatanuu o le afio'aga aemaise o tupulaga o le lumanai. O lea manuia e mafai ona maua pe a faatinoina uma fuafuaga faataatitia ua tamauina i le Tusi Taiala, o le Fuafuaga Tatau mo le Pulea ma le Vaaia lelei o i'a ma figota o le afio'aga.

11. TOE ILOILOINA O LENEI FUAFUAGA TATAU OTOOTOGA

O le toe iloiloaina o lenei Fuafuaga Tatau o le Vaaia Lelei o i'a ma figota o le afioaga e sa'ilia ai le aga'i i luma o le polokalame i totonu o afio'aga, aemaise se auiliiliga maumaututu i le tulai mai o galuega fai a le afioaga ma le Vaega o Faigafaiva i le faataunuina o Fuafuaga Faataatitia e pei ona taua i luga. O lenei foi iloiloga e lipotia ai le alualu lelei ma ni faaletonu i totonu o le Polokalame talu ona faavaeina i totonu o afioaga. E le gata i lea o ni vaega e fia faia iai ni suiga fou e pei o le toe teuteuina o tulafono ma le faamautuina o matafaioi i itu uma o le polokalame.

FUAFUAGA FAATAATITIA A LE AFIO'AGA MA LE OFISA O FAIGAFAlVA

Ua i ai le maliliega a le Komiti (KFVL) a le afio'aga ma le Vaega o Faigafaiva o le a toe auiliiliina lenei Fuafuaga Tatau pe a maea le ono (6) masina talu ona pasia lenei tusi i le

Fono Tele. O le a feutaga'i lava le Vaega o Faigafaiva ma le Tofi o le afio'aga ma le Komiti i se aso o le a atofaina pe a atoa le ono (6) masina.

12. UPU MULIMULI

O le auai o le afio'aga o NEIAFU i le Polokalame mo le Pulea ma le Vaaia Lelei o I'a ma Figota ua mautinoa le manuia ole afio'aga i ni tausaga o i luma. O le manuia ma le alualu i luma o lenei polokalame e faalagolago tele i le galulue faatasi o le afioaga; i le Pule Mamalu a Alii ma Faipule, Komiti a Tina, Aumaga aemaise o le Malo e tau ala mai le Vaega o Faigafaiva i le faatinoina o fuafuaga faataatitia ua mae'a soalaupule i le tele o fonotaga ma faatalatalanoaga sa faia.

O lenei polokalame o se galuega e umi se taimi e faatali ai ni tali faaaliali ma sona lelei ma e taua tele lea vaega mo le silafia e tagatanuu o le afioaga. O i latou o le a talisapaia ma aea i nei manuia o tupulaga o le lumanai o le afioaga. O lea ua a'e ai se tofa i le afioaga e faia se polokalame fa'apenei a le Malo e fesoasoani ai e toe tapu'e mai le sosia o le tamaoaiga o le gataifale o le afioaga ua tauau ina mou atu.

13. FAAMATALAGA 1 - FAAMATAGA E UIGA I LE AFIO'AGA O NEIAFU.

1. **Faitau aofai o tagata = 1,073**
2. **Ituaiga o Ekalesia**
 3 x Methodist Churhes (Ekalesia Metotisi)
 1 x Latter Day Saints (LDS, Au Paia o Aso e Gata Ai)
3. **Aoga**
 1 x Neiafu Primary School
4. **Siosiomaga o le gataifale.**



Umi o le aau	400 mita
Mamao o le aau ma le matafaga	200 mita
Loloto o le vaega aupito sili ona loloto o le aloalo pe a pe le tai	6 futu
Loloto o le vaega aupito sili ona loloto o le aloalo pe a sua le tai	12 futu
Papa'u o le vaega aupito sili ona papa'u o le aloalo pe a pe le tai	2 futu
Papa'u o le vaega aupito sili ona papa'u o le aloalo pe a sua le tai	4 futu

Nisi Faamatalaga

- Toatele o le afio'aga ua aumau i atunu'u mamao (tagata)
- Maopoopo faiganu'u i Alii ma Faipule, Aumaga ma le Komiti a Tina ma Tamaita'i

14. FAAMATALAGA 2: ITUAIGA FAIGAFIIVA E FA'ATINOINA I ASO UMA

Ituaiga	Taimi fa'aalu (tasi/ova ma le tasi le aso i le vaiaso)	O ai e masani ona fa'atinoina nei faigafaiiva			O le fa'aaogaina o i'a/figota maua		
		Ali'i	Tama'ita'i	Tamaiti	'Aiga	Fa'atau	'Aiga/Fa'atau
Maulu / Matatao	6 itula	✓			✓		
Ofe Mātau	4 itula	✓			✓		
Upega	3 itula	✓	✓		✓		
Aoina o Figota	4 itula				✓		

Nisi Fa'amatalaga

- ❖ Faigafaiiva ua fa'asaina – 'ava niukini, fanai'a, tu'iga/fa'amo'a, tane mauulu
- ❖ Fa'asaina foi tagata mai isi afio'aga ona fagotaina gataifale o NEIAFU se'i vagana ua feutaga'i ma le Komiti (KFVL).

15. FA'AMATALAGA 3: I'A MA FIGOTA

Ituaiga i'a	Ituaiga faigafaiva	Taimi fa'aalu i fagotaga	
		Taimi nei	30 tausaga
<i>I'a maua</i>			
Gatala	Matatao	3 - 4 itula	1 itula
Tuu'u	Fagota matatao	3 - 4 itula	1 itula
Pone	Fagota matatao	3 - 5 itula	1 itula
Filoa	Afaafaloloa / matatao	3 - 4 itula	1 itula
Lalafi	Fagota matatao	3 - 4 itula	1 itula
Fuga	Matatao	4 - 5 itula	1 itula
<i>Figota maua</i>			
Tuitui	Aoina	4 itula	2 itula
Fugafuga	Aoina	2 itula	1 itula
Pipi Ku	Eliina	3 itula	1 itula
<i>I'a maua</i>			
Gatala	Matatao	3 - 4 itula	1 itula
Tuu'u	Fagota matatao	3 - 4 itula	1 itula

Nisi fa'amatalaga:

❖ **Nofoaga fa'asao:** e le'i amataina

16. FA'AMATALAGA 4: TULAFONO A LE AFI'AGA I LE PUIPUIGA O LE GATAIFALE

O tulafono ua taua i lalo ua mata'ituina e le afio'aga mo le puipuiga o tamaoiga ma le siosiomaga o le gataifale.

1. Ituaiga faigafaiva ua fa'asa ona toe fa'atinoina i gataifale o NEIAFU

- ❖ 'ava niukini
- ❖ Fanai'a
- ❖ Vailaau oona
- ❖ Tagata Ese

2. O tagata faifaiva mai isi afio'aga e fia faia ni fagotaga i gataifale o le afio'aga o NEIAFU e tatau ona fa'afeso'ota'i le Komiti mo le Vaaia lelei o i'a ma figota (KFVL) a le afio'aga.

3. O le moli-uila ua faasaina nei e le afioaga i totonu o le Nofoga Faasao.

17. FA'AMATALAGA 5: FA'AMATALAGA MA FA'AMAUMAUGA SA AOINA I TAIMI O FA'ATALATALANOAGA

Ta'ita'i fa'atalatalanoaga: Malaeulu / Seuamuli
Tusia fa'amaumauga: Maatui / Taito'a
Pueata/Fesoasoani. Taitoa / Solomona

'Aafiaga:

- Faaitiitia taumafa sami
- Tele le taimi fa'aalu i fagotaga
- Aafia le soifua maloloina
- Faaitiitia tupe maua mai tau'i'a faatau atu

Faafitauli: Faaitiitia i'a ma figota laiti i gataifale o NEIAFU

Mafuaaga:

- Tau leai ni amu ola
- Mala faa-natura (matagi/afa/lologa ma isi)
- Faigafaiva le talafeagai (fanai'a/ava niukini)
- Faaaogaina o moli uila i lama
- Toatele tagata fagotaga mai isi pitonuu

TALI FA'AFITAU LI: Fa'ateleina i'a ma figota i le gataifale o NEIAFU

Fofo o Mafuaaga:

- Faateleina o amu ola
- Mana o talosaga e talosia ai le siosiomaga o le gataifale
- Faasa faigafaiva le talafeagai (fanai'a/ava niukini)
- Faasa fagotaga mai isi nuu

AUTU: "PUIPUIGA O LE SI'OSI'OMAGA O LE GATAIFALE"

- Faasa lama moli uila (toe iloilo aiteli)

Fa'atinoga: (E faapefea ona fa'atino?)

- Fa'asao amu e ala i le faia o se Ogasami Fa'asao
- Fa'ailoga se aso mo talosaga ma anapogi
- Faia tulafono e fa'asaina ai faigafaiva le talafeagai

O ai e faatinoina:

- Pulega a Alii ma Faipule
- Faletua ma Tausi
- Aumaga ma tagatanu'u uma
- Vaega o Faigafaiva (sui o le Malo)

Talosaga a le afio'aga:

- Nofoaga fa'asaoina mo i'a ma figota
- Fa'a-fa'atoagaina o le faisua, 'aliao ma isi figota
- Fa'alauteleina le tomai i nisi o agavaa faa-faifaiva

18. FA'AMATALAGA 6: SUI O LE AFIO'AGA SA AUAI I FAATALATALANOAGA

Matai:

Aliimalemanu Faleupolu.	Mamea Siaosi
Tuaiaufai Latu.	Tatiti Poto.
Pei Sila	Aunei Fune.
Lafaitele Elia.	Aliimalemanu Satue.
Lafaitele Masani.	Togo Isala.
Soliga Filiga. (Pulenuu)	Aunei Samoa.
Aliimalemanu Mefi.	Ulumu Sasani.
Masaga Faiesea.	Tatiti Manoa
Alomau Tautiaga.	Aunei Fineaso.
Aliimalemanu Asuelu.	Aloi Iakimo.
Moa Tevita.	Masaga Mose.
Togo Senetofu.	Tatiti Senetofu.
Pei Faamatala.	Tia Iupeli.
Moti Sinei.	Taupi Apineru.
Togo Tolo.	Salue Nu.
Pei Puaolaga.	Maeolopa Peti

Aumaga:

Valoaga Siaosi.	Afioifo Siaosi
Seloti Noti	Timo Faleupolu
Sile Taoafua	Tulene Taauso
Tavita Nu	Too Fineaso
Aperu Tomiti	Ruteru Ruteru
Fetu Siaki	Metotisi Fatia
Faaga Fatia.	Tui Ene.
Mua Latu	Manuti Taalolo
Faafetai Safiuvoa	Upolu Afaese
Falemai Taulai	Setulia None

Taui Mamea	Asu Faamatala
Faalii Luu	Iosefa Lofia
Uega Sefa	Napoleone
Satui Satui	Elia Siaosi
Maitua Tafola Eli	Taufiaga Lafaitele

Suafa o le Komiti mo le Vaaia lelei o i'a ma figota (KFVL)

Matai:

Soliga Filiga (Pulenuu)	Taupi Itai
Alomau Tafua	Moafagatau Meaalofa
Luagia Sae	Tatiti Poto

Komiti Aumaga

Manuti Tafola	Sione Lafaitele
Faalii Lafaitele	Taufiaga Lafaitele
Timo Aliimalemanu	

Sui o le Vaega o Faigafaiva a le Matagaluega o Faatoaga ma Faigafaiva a le Malo Samoa

Mulipola Atonio Mulipola (Alii Pule Sili Lagolago)
Olofa Tuaepepe (Tamaitai Ofisa Sinia Maualuga)
Seuamuli Totive Aloaina (Alii Ofisa Sinia)
Tauaefa Autalavou (Alii Ofisa Sinia)
Malaerule Mamoe (Alii Ofisa)
Tafatoa Ferron (Alii Ofisa)
I'amua Maatui (Alii Ofisa)
Taitoa (Alii Ofisa Lagolago)
Sefulu Leleimalefaga (Ofisa Lagolago)